
Gawain 2

PANUTO: Ipaliwanag at talakayin ang mga sumusunod:

1. Anong uri ng edukasyon meron noon sa panahon ni Rizal?

Lubos na ibang-iba ang sistema ng edukasyon noong panahon ni Rizal kung ikukumpara sa kasalukuyan. Nakapokus ang mga Jesuita sa pag sasanay sa mga mag-aaral tungo sa kalinangang pangakademiko, pansarili (kulturang pisikal at humanidad) at pang agham. **Napakahigpit** din ng mga patakaran na dapat sundin ng mga mag-aaral dahil obligado silang magsaulo ng liksyon sa tulong ng mga pamalo. Nakasentro din sila sa pag-aaral tungkol sa relihiyong Kristyanismo at pag-aaral ng wika ng mga Kastila. Tuwing umaga bago magsimula ang pormal na klase, nakikinig muna sila sa misa. Nahahati ang mga mag-aaral sa dalawang pangkat. Ang una ay *interno* o tinaguriang Emperyo ng Romano. Ang ikalawa naman ay ang *di-interno* o Emperyo ng Kartahena. Nagkakaroon ng paligsahan ang mga mag-aaral upang hiranging *emperador*. Magkahiwalay din ang paaralan ng mga babae at lalaki noon hindi tulad ngayon, mayroon ng patas na trato sa bawat kasarian.

2. Sinu-sino ang naging pribadong guro ni Rizal bago magtungo sa Binan?

Ang una niyang naging pribadong guro ay si **Maestro Celestino** na sinundan naman ni **Maestro Lucas Padua**, isang aritmetika. Kalaunan naman ay napili ng kanyang ama ang kanyang dating kaklase na si **Leon Monroy** upang magsilbing tutor ng batang si Jose. Si Monroy din ang nagturo kay Rizal ng wikang Kastila at Latin.

3. Ano ang Pangyayaring Bumagabag sa Pag-aaral ni Rizal?

Ang pangyayaring bumagabag kay Rizal ay nuong ang kanyang ina ay **napiit sa kulungan**. Napagbintangan si Teodora Alonso na naglason sa kapatid ng kanyang asawang si Alberto Alonso. Nagalala si Rizal sa kanyang ina kung kayat hindi naging masaya ang unang taon niya sa Ateneo. Gayunpaman, patagong dinalaw niya ang kanyang ina sa Santa Cruz kung saan ito nakakulong.

4. Bakit muntik nang hindi tanggapin si Rizal sa Ateneo? Sino ang tumulong sa kanya?

Muntik nang hindi tanggapin si Rizal sa Ateneo dahil sa kondisyon ng kanyang katawan at huli na siyang nakapagpatala. Hindi naaayon ang laki ng kanyang katawan sa edad na onse. Patpatin siya at mistulang sakitin. Gayunpaman, sa tulong ni Padre Manuel Burgos, pamangkin ng martir na si Padre Burgos, siya ay tinanggap din sa Ateneo na noon ay nasa pamamahala ng mga paring Kastila.

5. Ano ang kursong kinuha ni Rizal sa ateneo? Ano ang magagandang naging karanasan nya sa mga naging guro niya dito?

Nagtapos si Rizal ng Batsilyer ng Sining sa Ateneo sa edad na 16 noong Marso 23, 1877. Siya rin ay nagkamit ng pinakamataas na karangalan na may limang medalyang natamo. Samantala, ilan sa kanyang mga naging guro ang nakapagambag sa paglinang ng kanyang

kakayahan sa pagsulat ng mga tula. Ang naghimok sa kanya sa pagaaral nito ay si Padre Francisco Padua Sanchez na itinuturing na pinakamahusay na propesor sa paaralan.